

ՀԱՄԱՁԱՅՆԱԳԻՐ

Եվրասիական տնտեսական միության շրջանակներում գյուղատնտեսական բույսերի սերմերի շրջանառության մասին

Եվրասիական տնտեսական միության անդամ պետությունները, այսուհետև՝ անդամ պետություններ,

հիմնվելով «Եվրասիական տնտեսական միության մասին» 2014 թվականի մայիսի 29-ի պայմանագրի վրա,

ելնելով անդամ պետությունների գյուղատնտեսական բույսերի սերմերի շուկայի զարգացման և մրցունակ գյուղատնտեսական արտադրանքի արտադրության ծավալների ավելացման նպատակով գյուղատնտեսական բույսերի սերմնաբուծության ոլորտում համագործակցելու՝ անդամ պետությունների փոխադարձ շահագրգռվածությունից,

ընդունելով Եվրասիական տնտեսական միության (այսուհետև՝ Միություն) շրջանակներում գյուղատնտեսական բույսերի շրջանառության, գյուղատնտեսական բույսերի սորտերի փորձարկման և սերմնաբուծության ոլորտներում պահանջների միասնականացման նպատակահարմարությունը,

պահպանելով փոխադարձ հարգանքի, հավասարության և թափանցիկության սկզբունքները,

համաձայնեցին ներքոնշյալի մասին.

Հոդված 1

Սույն Համաձայնագրի նպատակներով օգտագործվում են հասկացություններ, որոնք ունեն հետևյալ իմաստը.

գյուղատնտեսական բույսերի սորտերի միասնական ռեեստր՝ ընդհանուր

տեղեկատվական ռեսուրս, որը տեղեկություններ է պարունակում ազգային ռեսուրսներում ընդգրկված՝ գյուղատնտեսական բույսերի սորտերի մասին:

սորտի փորձարկում՝ սորտի տնտեսական և կենսաբանական հատկությունների, ինչպես նաև սորտի տարբերակիչ հատկանիշների, միատարրության և կայունության որոշման միջոցառումներ՝ ազգային ռեսուրսում այն ընդգրկելու նպատակով:

ազգային ռեսուրս՝ անդամ պետությունների տարածքում օգտագործման համար արտոնված (թույլատրված, խորհուրդ տրվող) գյուղատնտեսական բույսերի սորտերի՝ անդամ պետության օրենսդրությանը համապատասխան ձևավորվող ռեսուրս:

գյուղատնտեսական բույսերի սերմերի շրջանառություն՝ մի անդամ պետության տարածքից մյուս անդամ պետության տարածք (այդ թվում՝ Միության անդամ չհանդիսացող պետության տարածքով) գյուղատնտեսական բույսերի սերմերի տեղափոխում, դրանց պահպանում ու իրացում:

գյուղատնտեսական բույսերի սերմերի ցանքային (տնկման) որակներ՝ գյուղատնտեսական բույսերի սերմերի որակի այն ցուցանիշների ամբողջությունը, որոնք բնութագրում են ցանքի (տնկման) համար սերմերի պիտանությունը:

գյուղատնտեսական բույսեր՝ հացահատիկային, հացահատիկալոռային, ձավարատու, կերային, տեխնիկական, յուղատու, եթերայուղատու, բանջարեղենային, բոստանային, պտղատու, հատապտղատու, դեղատու մշակաբույսեր, ինչպես նաև կարտոֆիլ և խաղող:

գյուղատնտեսական բույսերի սերմեր՝ բույսերի սերմեր, տնկիներ, պտուղներ, բարդ պտուղների մասեր, պտղաբույլեր, կոճղեզներ, պալարներ և բույսերի այլ՝ գեներատիվ և վեգետատիվ մասեր, որոնք նախատեսված են գյուղատնտեսական բույսերի սորտերի բազմացման և (կամ) վերարտադրության համար:

սերմնաբուծություն՝ գյուղատնտեսական բույսերի սերմերի արտադրության,

փոխադրման, պահպանման, իրացման և օգտագործման հետ կապված գործունեություն.

սորտ՝ բուսաբանական տաքսոններից ստորադասի շրջանակներում գյուղատնտեսական բույսերի խումբ, որը որոշվում է տվյալ գենոտիպը կամ գենոտիպերի համակցությունը բնորոշող հատկանիշների արտահայտվածության աստիճանով, նույն բուսաբանական տաքսոնի գյուղատնտեսական բույսերի այլ խմբերից տարբերվում է մեկ կամ մի քանի հատկանիշներով կամ հատկանիշների արտահայտվածության աստիճանով և կայուն է.

գյուղատնտեսական բույսերի սերմերի սորտային որակներ՝ հատկանիշների ամբողջություն, որը բնորոշում է գյուղատնտեսական բույսերի սերմերի պատկանելությունը որոշակի սորտի:

Հոդված 2

Սույն Համաձայնագրով կարգավորվում են Միության շրջանակներում գյուղատնտեսական բույսերի սերմերի շրջանառության հետ կապված իրավահարաբերությունները՝ բացառությամբ գյուղատնտեսական բույսերի սերմերի, որոնց սորտերի գենետիկական ծրագիրը գենային ինժեներիայի նյութ է պարունակում:

Հոդված 3

1. Միության շրջանակներում գյուղատնտեսական բույսերի սերմերի շրջանառությունն իրականացվում է դրանց սորտային և ցանքային (տնկման) որակների մասին տեղեկություններ պարունակող և ռուսերենով ու անդամ պետության պետական լեզվով (պետական լեզուներով), (եթե դա նախատեսված է անդամ պետության օրենսդրությամբ) ձևակերպված փաստաթղթերի առկայության դեպքում:

Եթե գյուղատնտեսական բույսերի սերմերը մշակվել են քիմիական կամ կենսաբանական պատրաստուկներով, Միության շրջանակներում դրանց շրջանառությունն իրականացվում է փաթեթավորված՝ սույն կետի առաջին պարբերությունում նշված փաստաթղթերից բացի, նաև այդ սերմերն ուղեկցող փաստաթղթերում և դրանց մականշվածքի (պիտակի) վրա նշվող՝ քիմիական կամ կենսաբանական պատրաստուկի անվանման մասին ռուսերենով և անդամ պետության պետական լեզվով (պետական լեզուներով), (եթե դա նախատեսված է անդամ պետության օրենսդրությամբ) տեղեկատվության առկայության դեպքում:

2. Անդամ պետությունները ճանաչում են գյուղատնտեսական բույսերի սերմերի սորտային և ցանքային (տնկման) որակների մասին տեղեկություններ պարունակող փաստաթղթերը, որոնք տրվել են մյուս անդամ պետությունների կողմից՝ անդամ պետությունների առաջարկությունների հիման վրա Եվրասիական տնտեսական հանձնաժողովի կողմից (այսուհետև՝ Հանձնաժողով) հաստատված ցանկի համաձայն:

Հոդված 4

1. Միության շրջանակներում գյուղատնտեսական բույսերի սերմերի շրջանառության հետ կապված գործունեության տեղեկատվական ապահովման նպատակով Հանձնաժողովը ձևավորում է գյուղատնտեսական բույսերի սերմերի միասնական ռեեստր (այսուհետև՝ միասնական ռեեստր):

2. Միասնական ռեեստրը ձևավորվում է ազգային ռեեստրներում պարունակվող և անդամ պետությունների կողմից Միության ինտեգրացված տեղեկատվական համակարգի օգտագործմամբ էլեկտրոնային տարբերակով Հանձնաժողով ներկայացվող՝ սորտերի մասին տեղեկությունների հիման վրա:

Միասնական ռեեստրի ձևավորման և վարման կարգը սահմանվում է Հանձնաժողովի կողմից:

Հոդված 5

Գյուղատնտեսական բույսերի սորտային նույնականացում անցկացնելու մոտեցումների միասնականացման, գյուղատնտեսական բույսերի սերմերի սորտային և ցանքային (տնկման) որակների որոշման նպատակով անդամ պետություններն ապահովում են Հանձնաժողովի խորհրդի կողմից սահմանվող միասնական մեթոդների կիրառումը:

Հոդված 6

Անդամ պետությունները միջոցներ են ձեռնարկում սորտերի փորձարկման և սերմնաբուծության հետ կապված հարցերը կարգավորող իրենց օրենսդրության միասնականացման ուղղությամբ: Անդամ պետությունների օրենսդրության միասնականացմանն ուղղված միջոցների ցանկը և այդ միասնականացման ժամկետները սահմանվում են Եվրասիական տնտեսական բարձրագույն խորհրդի կողմից:

Հոդված 7

Մինչև սույն Համաձայնագրի 5-րդ հոդվածին համապատասխան ընդունվող՝ Հանձնաժողովի խորհրդի ակտերի ուժի մեջ մտնելը անդամ պետություններում կիրառվում են գյուղատնտեսական բույսերի սորտային նույնականացում անցկացնելու, գյուղատնտեսական բույսերի սերմերի սորտային և ցանքային (տնկման) որակների որոշման մեթոդները, որոնք սահմանված են անդամ պետությունների օրենսդրությամբ:

Հոդված 8

Սույն Համաձայնագիրը Միության շրջանակներում կնքված միջազգային պայմանագիր է և կազմում է Միության իրավունքի մաս:

Հոդված 9

Սույն Համաձայնագրի մեկնաբանման և (կամ) կիրառման հետ կապված վեճերը լուծվում են «Եվրասիական տնտեսական միության մասին» 2014 թվականի մայիսի 29-ի պայմանագրով սահմանված կարգով:

Հոդված 10

Անդամ պետությունների պայմանավորվածությամբ սույն Համաձայնագրում կարող են կատարվել փոփոխություններ, որոնք ձևակերպվում են առանձին արձանագրություններով և կազմում են սույն Համաձայնագրի անբաժանելի մասը:

Հոդված 11

Սույն Համաձայնագիրն ուժի մեջ է մտնում անդամ պետությունների կողմից դրա ուժի մեջ մտնելու համար անհրաժեշտ ներպետական ընթացակարգերն կատարելու մասին վերջին գրավոր ծանուցումը դիվանագիտական ուղիներով ավանդապահի ստանալու օրվանից 30 օրացուցային օրը լրանալուց հետո:

Կատարված է Մոսկվա քաղաքում 2017 թվականի նոյեմբերի 7-ին, մեկ բնօրինակով, ռուսերեն:

Սույն Համաձայնագրի բնօրինակը պահվում է Եվրասիական տնտեսական հանձնաժողովում, որը, որպես սույն Համաձայնագրի ավանդապահ, յուրաքանչյուր անդամ պետության կտրամադրի դրա հաստատված պատճենը:

Հայաստանի

Բելառուսի

Ղազախստանի

Ղրղզստանի

Ռուսաստանի

Հանրապետության Հանրապետության Հանրապետության Հանրապետության Դաշնության
կողմից՝ կողմից՝ կողմից՝ կողմից՝ կողմից՝

դիվանագիտական կապերի
նախարարություն > վարչություն <



Է դիվանագիտական դրամադուրա դիվանագիտական
վարչությունում «վարչություն դիվանագիտական կապերի
նախարարությունում» ղեկավարող ղեկավարող
Սուրենյանի վարչությունում է, որ կապերի 2017 թվականի